



**R.P. Leonardii Lessii E Societate Iesu Theologi. In D.
Thomam De Beatitudine. De Actibus Hvmanis. De
Incarnatione Verbi. De Sacramentis Et Censvris.
Prælectiones Theologicæ Posthvmæ**

Lessius, Leonardus

Lovanii, 1645

Art. 2. Vtrum ad officium Sacerdotis pertineat baptizare.

[urn:nbn:de:hbz:466:1-72898](https://nbn-resolving.de/urn:nbn:de:hbz:466:1-72898)

sed quia redditur idoneus, cui id possit committi tanquam extraordinario.

Sine eâ si solemniter baptizet, sit irregularis.

Quod si absque commissione baptizet solenniter, fiet irregularis, tanquam exercens actum Ordinis alieni; vt docent communiter Doctores ex Cap. I. de Clerico non ordinato, quod est Hormisda Papæ. Glossa in Canonē Diaconis, dist. 93, expicit casum necessitatis; tunc enim posse Diaconi suo iure baptizare, & corpus Christi erogare. Sed cum nulla sit necessitas solemniter conferendi Baptismum, verius est etiam tunc fieri irregularem. Adde tamen, neminem, sive Clericum, sive Laicum, fieri irregularem, si baptizet absque solemnitate, quamvis id extra casum necessitatis, aut praesente Sacerdote, ius alterius illicite usurpans, faciat. Docet Panormitanus in cap. illud primum. Et Nauarrus cap. 22. Enchiridij nro. 7. & cap. 27. num. 242. Ratio est: Quia, vt sic datur, non est actus Ordinis.

2
Solemus baptismus non potest subdiacono committi, nisi a solo Papa.

Petes, An Subdiacono possit committi solemnis Baptismus? Respondeo, Non posse à Presbytero vel Episcopo committi; quia est contra iura. Potest tamen à Pontifice; quia hæc solemnitas consistit in ceremonijs, que sunt ex institutione Ecclesiæ. Vnde per eum, in quo est plenitudo Ecclesiastica potestatis, potest etiam Subdiacono concedi, sicut & Diacono.

ARTICVLVS II.

Vtrum ad officium Sacerdotis pertinet baptizare?

3
Convenit id sacerdoti ex officio.

R Espondetur, Sacerdotibus id conuenire ex proprio officio, & ordinaria potestate. Patet ex Concilio Florentino: *Minister* (inquit Concilium) *huius Sacramenti est Sacerdos, cui ex officio competit baptizare.*

Dices Primo, Ergo infans poterit cuius Sacerdoti offerri, similiiter Paganus.

Respondeo Negando Consequentiam; Quia ideo tantum dicitur Sacerdoti ex officio hoc conuenire, quod non requirat alium Ordinem, vt sit proprius minister Baptismi; sed per Sacerdotium habeat omnem potestatem Ordinis ad hoc Sacramentum requisitam. Requiritur tamen præterea iurisdictio; quia soli Pastores Ecclesiæ possunt admittere ad Ecclesiam, & populum Sacramentis & verbo Dei pascare; vel illi, quibus id ipsi commiserint.

Infans ergo offerri debet Pastori parentum; hic enim ratione parentum, habet ius in illum. Paganus autem alicui ex Ecclesia Pastoribus maioribus vel minoribus. Vnde Sacerdos non Parochus, non potest baptizare sine necessitate, vel sine commissione proprii Pastoris; vt fatentur omnes: & colligitur 16. qu. 1. Can. Interdicimus. Si tamen faceret sine commissione, non fieret irregularis; quia etiæ sit usurpatio iuris alieni, non tamen alieni Ordinis.

Eget tamen ad hoc ius iurisdictionis.

Absque ea si baptizet, non fieri irregularis.

Dices Secundo, Patres docent Sacerdotem non posse solemniter baptizare sine Episcopi auctoritate. Tertullianus lib. de Baptismo; *Dandi quidem Baptismum* (inquit) *ius habet summus Sacerdos: debet Presbyter, & Diaconus; non tamen sine Episcopi auctoritate, propter Ecclesiæ honorem.* Et Hieronymus Dialogo contra Luciferianos: *Inde venit, vt*

sine Chrismate & Episcopi unctione, neque Presbyter neque Diaconus ius habeat baptizandi.

Respondeo, Hoc videri intelligendum de Sacerdote consecrato præcisè secundum suam ordinationem. Et si enim ex sua ordinatione habeat plenam potestatem Ordinis ad Baptismum (in quo differt à Diacono:) tamen non habet iurisdictionem in populum, quam debet accipere ab Episcopo; & in hoc est similis Diacono.

ARTICVLVS III.

Vtrum Laicus possit baptizare?

R Espondetur, In necessitate posse Laicum baptizare. Est definitum in Concilio Elber-

Laicus in necessitate potest baptizare.

tino can. 38. & Florentino in decreto unioinis, ubi dicitur: *In casu necessitatis, non solum Sacerdos vel Diaconus, sed etiam Laicus, & mulier, imo etiam Paganus & hereticus baptizare potest; dummodo formam seruere Ecclesiæ, & facere intendat quod Ecclesia facit.* Idem docent Tertullianus & Hieronymus lupi, qui etiam rationem adferunt; quia quod ex aequo accipitur, hoc ex aequo dari potest. Vide Capitulum *Constat.* de *Consecratione.* distinct. 4. ex Isidoro, & Capitulum *In necessitate.* ibidem.

Confirmatur ex Scriptura: Quia Apostoli baptizare, cum adhuc essent Laici, patet Ioannis 4. Et Ananias qui Paulum baptizabat, Laicus sum & fuisse videtur; ut alibi testatur Clemens Romanus. Ratio est, quia decuit ut Sacramentum tantæ necessitatis non adstringeretur certo ministro: quam ob causam etiam in materia communissima institutum est. Contrarium sentit Calvinus lib. 4. Institut. cap. 14. §. 20. Sed sine ratione, cum negat. omnes ministri Calvinistæ sint Laici: & ipse docet Sacramentum solum excitare fidem, quæ etiam à muliere per verbum Dei potest excitari.

ARTICVLVS IV.

Vtrum Mulier possit baptizare?

R Espondetur posse in necessitate. Definitum est ab Urbano Papa III. qu. 3. Can. Super quibus. Et in Concilio Florentio. Sic in veteri testamento mulieres in necessitate circumcidabant: ut patet Exodi 4. vbi Sephora, cum Angelus vellet eam, vel Filium eius, vel ut alii volunt, Moysem occidere, circumcidit Filium suum.

Advertendum tamen, Mulierem non posse baptizare in necessitate, si presens sit vir, nisi forte eos, qui ipsa sit obstetrix & peritior: nec Laicum, si adsit Clericus: nec minorem Clericū, si adsit maior; iuxta communem sententiam Doctorum. Huius tamen Ordinis inuersio non censetur peccatum mortale (nisi forte Sacerdos negligatur:) quia non est officij alieni usurpatio, eum nemo ex inferioribus absolutum ius aut officium habeat; sed solum est quædam indecentia. Secùs est si Sacerdos omittatur, quia ei ex officio competit: qui etiam sine causa non potest Diacono facere potestatem baptizandi, licet sine solemnitate, propter honorem Sacramenti; multoque minus laico.

ARTI.